

97.

V O E V ⁰⁷³

Pour la prosperité ^{no. 3}

D V R O Y,

&

D V R O Y A V M E.

L'an mil cinq cens nonante sept.



A P A R I S,

Chez Iamet Mettayer, & Pierre L'huillier, Imprimeurs & Libraires ordinaires du Roy.

1 5 9 7.

21

~~728~~

810

Faint, illegible text, possibly bleed-through from the reverse side of the page.



HARANGVE

DE HENRY III. AVGVSTE,
ROY DE FRANCE
ET DE NAVARRE.

Prononcee en l'Assemblée generale dès Notâbles
du Royaume, tenuë à Roüen l'an 1596. au
mois de Nouembre.

SI ie voulois acquerir le titre d'Ora-
teur, i'aurois appris quelque belle
& longue harangue, & la pronon-
cerois avec assez de grauité. Mais, Messieurs,
mon desir tend à deux plus glorieux titres,
qui sont, de m'appeller Libérateur & Re-
staurateur de cest Estat. Pour à quoy par-
uenir ie vous ay assemblez. Vous sçauiez à
voz despens, comme moy aux miens, que lors
que Dieu m'a appellé à ceste Couronne, i'ay
trouué la France non seulement quasi ruinee,
mais presque toute perduë pour les François.
Par la grace diuine, par les prieres, par les

Aij

729

bons conseils de mes seruiteurs qui ne font profession des armes, par l'espee de ma braue & genereuse Noblesse (de laquelle ie ne distingue point mes Princes, pour estre nostre plus beau titre, Foy de Gentilhomme) par mes peines & labeurs; ie l'ay sauuee de la perte. Sauuons la à ceste heure de la ruine. Participez, mes chers subiects, à ceste seconde gloire avec moy, comme vous auez fait à la premiere. Ie ne vous ay point appellez comme faisoient mes predecesseurs, pour vous faire approuuer mes volontez. Je vous ay fait assembler pour receuoir voz conseils, pour les croire, pour les suiure. Bref, pour me mettre en tutelle entre vos mains. Enuie qui ne prend gueres aux Rois, aux barbes grises, aux victorieux. Mais la violente amour que ie porte à mes subiects, & l'extrefme desir que i'ay d'adiouster ces deux beaux titres à celuy de Roy, me fait trouuer tout aisé & honorable.

Mon Chancelier vous fera entendre plus amplement ma volonté.



AV ROY



IRE,

Vostre Maiesté a faict tenir vne assemblee ces iours passez, choisie des plus notables hommes de vostre Royaume, signalez en autorité, en zele, en rōndeur, en prudence. pour regler les affaires de vostre grand Estat; qui sans doute apres vne longue & perilleuse malladie auoit besoing d'vn bon remede. Car comment se pouuoit-il faire que les des-reiglemens entassez l'vn sur l'autre, & en diuers temps & à diuerses occasions, n'y eussent engendré les cōmmuns sympto-

A iij

FRVICT DE LA

mes des guerres ciuiles? Mais plustost
quel miracle de ce qu'il ne s'est perdu
dans l'abyfme de ces confusions! Com-
me donc ç'est vne preuue remarquable
de la prouidence de Dieu, gardien
& protecteur de ceste Monarchie, de
ce qu'il a premierement preserué vo-
stre teste pour conseruer tout le Corps,
duquel il vous a fait naistre vray & legi-
time Chef; & en suite, qu'il vous esta-
blit & autorise de iour en iour: aussi
c'est vn gage du bon-heur qu'il vous
prepare à l'aduenir, de ce qu'il éléue vo-
stre ame en ce genereux & heroïque
desir, de vous consacrer pour le salut &
repos de vostre Royaume. Certes tous
voz bons & fideles subiects n'ont peu
ouyr ny lire qu'avec vne extreme ioye,
la declaration qu'il a pleu à Vostre Maie-
sté d'en faire au premier Acte de ceste
tant illustre Assemblee; par vne masse

HARANGVE DV ROY. 077

& vrayement Royale harangue, digne non seulement de vostre debonnaire & sage naturel, mais de la memoire eternelle de tous siecles. pour estre dès ceste heure publiee à tout le monde, & d'icy transmise à la posterité. Vous declarez, SIRE, parlant comme pere à voz subiects, que vostre desir tend à ces deux titres, DE LIBERATEVR & RESTAVRATEVR de ce pauvre & desolé Estat. Pour à quoy paruenir vous auriez faiet assembler voz subiects. Et apres auoir auantageusement reconnu le bon deuoir qu'ils vous ont rendu en voz extremes dangers, & par leurs conseils, & par leurs espees, il vous plaist tant honorer leur sage & valeureuse fidelité, que de les associer en cest esgard avec Messieurs voz Princes. & de surcroist leur donnant ceste louange pour le passé, vous les appelez à l'ad-

uenir pour participer à vn second honneur, de sauuer la France de ruine, laquelle d'vne commune main vous auiez sauuee du naufrage, qui la menaçoit de l'entiere perte de tout l'Estat. Et protestez ne les auoir appellez pour tirer d'eux vn adueu de voz volontez, comme faisoient voz predecesseurs : mais pour receuoir leurs conseils, pour les croire, pour les suyure. Mais avec quelle candeur & naïueté! *Pour vous mettre en tutelle entre leurs mains.* c'est à dire, Prendre la loy de ceux à qui vous la pouuez & deuez donner. O voix non seulement digne de celuy qui commande (disoit l'Empereur) de se vouloir assubiectir aux loix : mais tres-digne de celuy qui a deliuré la France, en vn temps auquel elle estoit non seulement ruinee, mais presque perdue pour les François! La France voirement, la France
ce se

ce se fouient combien chèrement vous
auez achepté, SIRE, cest honneur
au prix de vostre sang. Mais vostre sage
Clemence est tant plus illustree par les
circonstances vrayement remarquées en
vostre harangue. Car qui est-ce qui ne
void ce que l'experience met deuant les-
yeux, que ceste enuie ne prend pas souuēt
aux Rois, & mesmes victorieux & expe-
rimétez, de recourir aux conseils de leurs
subiects, pour les receuoir & suiure? Mais
aussi ceste mesme experience publie par
tout, que si commander & estre obey, est
estre Roy, le mesme Empereur a dict tref-
vray, que le souuerain qui obeît à la Loy,
se fait plus grand que la Loy. Car qui est
ce qui peut nier, que les peuples lors obe-
issent plus gayement à leurs Rois, quand
ils sçauent qu'ils commandent moderé-
ment par la Raison, auec de l'autorité pu-
blique? Padiouste, que nostre Academie

B

817 F R V I C T D E L A

n'a pas eu tort de dire, Que la plus belle victoire des Grands, est de commander sur les volontez des hommes. Car la cōtrainte, la frayeur, la desfiance, sont mauvaises gardiènes ou cautions d'une fidele & longue obeissance aux Princes, afferuissans leurs subiets par force & violence. Mais que diray-ie plus? Car, SIRE, vous estes tant plus capable de iuger de ceste verité, que vous avez vne longue & serieuse experiēce des affaires du mōde, pour y auoir esté nourry dés vostre ieunesse, auoir passé par l'estamine d'une infinité de grandes difficultez, trauersé les escueils de beaucoup de dangers, surmonté le flus & reflux de diuerses humeurs. En ces espreuues elle a bien recogneu plus d'une fois, de quelle importance est en l'Estat, l'autorité d'un bō & salutaire conseil. Et quel meilleur conseil pouuois ie vous prendre pour la France, que des François mesmes,

HARANGVE DV ROY. 670

& de ceux qui sont & des plus fideles & des plus sages? C'est tenir le bon chemin pour acheuer ceste grande œuure de la Restauration par vous heureusemēt cōmencee & auancee: pourueu que l'issuē responde au commencement, les effects aux causes, qui fōt esperer à tous vos peuples vn grand auancement à vos affaires. Digne de vostre Majesté, digne de ceste tant autentique & solēnelle compagnie, sur laquelle vous auez tellemēt remis tout le faix, qu'en la chargeant, vous soulagez vostre peuple. Mais, SIRE, seroit ce pour vous en descharger? Le passé vous a acquis par tout le monde le credit de bōne foy, autāt qu'à Roy qui portast oncques Couronne. Vos deportemens ne peuuēt non plus estre cachez, que les rayons du Soleil en plain midy. Vous venez maintenant de passer vne obligation en vne grāde & illustre compagnie, en la presence

B ij

de notaires & tesmoins irreprochables. Vous l'avez stipulée. Les Notaires l'ont receuë. Les tesmoins l'ont soufcrite. Le registre de vostre Regne en est chargé. La France, l'Europe, l'Vniuers ouurent les oreilles & les yeux; & par tout ceste créance qu'avez acquise dés long temps par tât de belles preuues, assure vos subiets des effets de vostre bonne volonté si authentiquement declaree. Ils acceptent vostre promesse, SIRE, ils vous en remercient treshumblement. Car n'oyez vous pas la correspondance de noz vœux à vostre Declaration? Vous declarez l'extreme enuie que portez en vostre ame, à restaurer vostre Royaume. Vous tesmoignez qu'elle y est si auât emprainte, que tout vous est aisé & honorable pour paruenir à ce but. Et nous respondons, que c'est le sômaire de tous nos souhairs, le sujet ordinaire des ardentés prieres que nous faisons à Dieu

HARANGVE DV ROY. ¹⁰⁰¹ II

pour vostre Majesté. Vous souhaitez l'establissement de vos affaires, l'ordre, le bon mesnage, le repos de vostre Royaume. C'est tout aussi ce que vos fideles subiets desirent. Quoy donc? Certes comme la correspondance de ce commun desir sur le sujet d'un mesme bien, pousse & vous, SIRE, & vostre peuple; aussi elle oblige & vous & luy, mais diuersement. Car vostre peuple vous est obligé, c'est à dire, vous doit soy-mesme, puis que vous vous sacrifiez pour son salut. Mais pour reconnaissance d'une tant naturelle & legitime obligation, qu'est-ce qu'il peut faire, que redoubler l'amour, la reuerence, le seruice, l'obeissance enuers Vostre Maiesté; & pour principal payement, s'adresser à Dieu, & luy consacrer ses deuotes prieres pour vostre longue & heureuse vie, & la prosperité de vos affaires? Mais, SIRE, vous n'estes que la main pour donner à

B iij

733

vostre peuple les biens desquels Dieu est le vray auteur. Ainsi comme vos subiets vous sont obligez, aussi l'estes vous à Dieu. Le vœu pour la prosperité de la France, est commun, le bien commun, l'obligation commune: mais comme Dieu vous a esleué par dessus tous, aussi il vous oblige plus que tous. Vostre dignité est fort illustre, mais vostre personne est d'autant plus considerable en cest Acte tant solennel, que Dieu l'a reuestuë de graces particulieres par dessus les autres Roys. Les grands desseins sont dignes des Grands. La seule parole d'un Roy, est vn solennel & autentique contract. Mais quelle est la promesse de Henry IIII. Roy de France? Certes d'autant plus estroite, que venât de la part d'un des plus grands Roys de la Chrestienté, esleué sur vn des plus beaux theatres du monde; il a ceste faueur particuliere, d'estre Prince

HARANGVE DV ROY. ~~13~~

de bonne foy, & d'integrité venerable à
rout l'Vniuers. Ainsi en ceste grande
dette comme le solennel renom de vertu
vous oblige à bien faire, que deuez vous
aussi auoir plus à cœur que de bien payer?

Il ya d'auantage. Car vous auez vn
Creancier, qui vous ayant communiqué
son autorité, comme aux autres Roys,
vous fait maintenant fauorablement &
sa main, & sa bouche, en vn fort signalé
suiet, aux yeux de toute l'Europe. Sa
main, par les victoires qu'il vous a ià dō-
nees. Sa bouche, en vous faisant ainsi par-
ler d'vne façon extraordinaire. Le pre-
mier honneur, vous ayant authorisé par
grands & illustres effets: le second, seelant
vostre credit par l'assurance de ce qu'on
espere de vous. Car ce n'est pas le cōmun
langage des Roys. La sincerité de vos pas-
sez deportemens nous respondant pour
l'auenir, ô Oracles vrayement celestes,

gages des biens qu'ils promettent à ce Royaume, tant alteré d'ordre & de repos! Ainsi de vos paroles nous montons à celuy qui vous fait parler, comme de vos victoires à luy mesme qui vous a faict vaincre. C'est par luy que pouuez monter au faiste de ces deux glorieux & magnifiques titres que declarez souhaiter avec tant d'affection, DE LIBERATEVR ET RESTAVRATEVR, avec leurs effets: afin que non seulement le frôt, mais toutes les faces du bastiment que nous vous dressons en vostre Histoire, en soyēt honnorees & enrichies; par l'adueu de ceux qui viuent, & à l'admiration de la posterité qui nous suruiura. Car qui est celuy qui a des yeux, & ne voye les miraculeux commencemens de vostre Regne?

Or de qui en pouuez-vous attendre l'acheuement, que de la main de celuy
qui

HARANGVE DV ROY. 735

qui a mis le sceptre en vostre main comme de sa main ? Les miracles qui vous ont installé & mis en possession, preschent eloquemment ceste verité, qui maintenant vous vient chercher, pour consacrer le fruiçt de ceste tant celebre Assemblée, en presage du bõheur de ce nouuel an. Si ceste GRACE DIVINE par vous inuoquee en vos grandes extremitez, & laquelle vous recognoissez auoir esté la principale cause de vos victoires, fauorise vostre prosperité, comme elle a heureusement vos difficultez. Dequoy nous le supplions tous ensemble de tout nostre cœur.

CE SONT les Estrenes, SIRE, que la Verité vous apporte maintenant, pour premices de vostre heroique & Royal desir; & mesme par la main d'un personnage des plus dignes des'approcher de V.M. qu'on pouuoit choisir. Vn grand Capitaine, vn excellent homme d'Estat,

C 735

vn Roy victorieux, deuoit-il pas estre choisi pour vous, SIRE, lequel Dieu a fait naistre grand Roy, estre grand Capitaine, grand homme d'estat; vous ayât façonné par extremes dangers, dressé par infinies trauerfes, roidi en courage inuincible parmi tât de tempestes? Bref, honoré outre la double Couronne de vos ancestres, d'vne nouvelle Couronne, toute de vostre vertu; tissuë de laurier & de chaisne, pour auoir vaincu vos ennemis, & conserué vos subiets? Mais il y a plus en celuy qui vous vient apporter ce conseil salutaire de la Verité, representé par son exemple. Ce ne sont pas les victoires de Miltiades qui vous esueillent. Les trophees d'Alexandre le Grand ne vous viennent pas semondre. Les triomphes de Iules Cesar ne remontent pas sur le theatre pour vous solliciter. C'est Dauid, ce Dauid, Roy voirement d'vn des plus beaux & riches Royau-

HARANGVE DV ROY. 684

mes du Leuant, grand Capitaine, sage & experimenté Conseiller; mais qui estant Roy en Israël (auquel Dieu auoit recueilli & logé son Eglise) a esté aussi Prophete. Ainsi toutes choses vous conuient à prester l'oreille & l'esprit à la Verité, prononçee par sa bouche.

OYEZ donc cest Oracle, voyez ces belles Estrenes, qui vous sont donnees d'une si bone main. L'ancienne coustume des Chrestiens, estoit de s'entre-falüer l'un l'autre au premier iour de l'An par ceste deuise, CHRIST EST RESUSCITE'. Pour tesmoigner la vraye esperance des Chrestiens, sans laquelle leur foy seroit vaine, & eux les plus miserables de tous les hommes. Et le saint Apostre en exposant ceste commune salutation, adiouste, *Christ t'illuminera.* De fait, comme l'an commence, le Soleil remonte du plus bas degré de son solstice, & nous ramene les iours plus

longs & plus beaux; & apres l'Hyuer, le Printemps & l'Esté, selon leur ordre. Nous auons passé avec vous, SIRE, vn fort rude Hyuer. Maintenant vostre Regne nous fait sentir la douceur d'vn Printemps, qui fait reuerdir nostre esperance, & nous promet quelque meilleure saison qu'aux Regnes passez. Côtectez donc, SIRE, les beaux rayons de ce Soleil, de ceste excellente lumiere de la Verité que David vous apporte, pour voir clair au chemin qu'il vous dresse à l'effet de vos desirs. David auoit fait mesme dessein que vous, de deliurer & restaurer son Royaume. & a en fin obtenu tout ce qu'il desiroit. Ici il vous apprend par quels moyens il en est venu à bout. En representant son experience, il dresse vn modelle de la vostre. Il vous met deuant les yeux toutes ses difficultez, ses occurrences, ses issuës, pour vous faire lire & esperer les vostres.

L'USAGE donc de ce beau & riche Discours, ne peut estre petit. Car il vous enseigne les vrais & certains moyens pour vous faire iouir des biens que vous souhaitez le plus au monde. Et comment ? Par soy-mesme & par vous mesme. Car son exemple est le vostre. c'est à dire, estant naïuement representé, est l'image de ce qui vous est aduenü. Je mettray de ce qui concerne V. M. attendant que i'en dresse l'ample Registre en vostre Histoire. Que Dauid parle maintenant: & que vostre experience porte aux oreilles, aux yeux, aux entendemens de tous vos subiets, le rapport de ceste Verité en ce qui vous touche. Dauid auoit deliuré Israël de beaucoup de confusions; mais il n'auoit pas encore acheué toute ceste bonne œuure. Il souhaite de le restaurer, & conclüant du passé à l'auenir, il espere que celuy qui luy a donné le premier bien, luy donne-

ra le second. Il auoit ia desgagé son Royaume de la violence de ses ennemis estrangers, & de la felonnie de ses rebelles subiets. Et comment? Pour estre appellé Libérateur de son Estat. C'est le premier article de vostre souhait. Il le faut considerer en premier lieu.

SVR LE PSEAVME CXLIIII.

LOVE' SOIT LE SEIGNEVR
 MON DIEV (dit Dauid) *qui dresse mes
 mains à la bataille, & mes doigts à la guerre.
 Il est ma faueur, ma retraicte, mon secours, mon
 protecteur, MON LIBERATEVR,
 mon esperance. J'ay esperé en luy. & il m'a
 deliuré de mes ennemis, & a assubiet mon peu-
 ple sous moy.*

DAVID donc vient à vous, SIRE, &
 assis à vostre costé, il parle ainsi: Vous
 estes né Roy, de l'une des plus grandes

maisons du monde : mais moy, ie suis
issu de fort bas lieu, le moindre de plu-
sieurs freres. I'ay eu à combattre infinies
difficultez. Nonobstant lesquelles Dieu
qui m'auoit ordonné Roy en Israël, m'a
fait asseoir en ce throne comme par la
main, par plusieurs miracles. I'auois au
commencement Saül en teste, armé de
malice, de force, d'autorité. & sous luy &
pour luy, vne infinité d'ennemis & ou-
uerts & couuerts. Les Philistins, Idu-
meens, Ammonites, & autres infideles,
m'ont aussi fait la guerre à ouurance, en-
seigne desployee. Mais ce qui m'a le plus
trauaillé, a esté vne maladie intestine &
domestique, née en ma maison, en mes
entrailles, en ma vieillesse. Mon propre
fils se souleue, s'arme contre moy, me
chasse, me persecute comme son capital
ennemi. Et en suite de ceste monstrueu-
se rebellion, par les charmes de ce mes-
me auorton, se conçoit, s'enfante vne

Ligue dās les principales villes de mon Royaume. J'ay combatu & abbatu tous ces ennemis. Comment ? Non pas par mon industrie & valeur, mais par la grace de Dieu, qui m'a fait estre ce que ie suis. A toutes mes peines i'ay trouué en luy vn bon remede. I'auois à soustenir des grandes armées de mes puissans ennemis. Et à cest effect i'auois besoin de conseil, de courage, de force. En ces occurrēces qu'a fait pour moy le Seigneur mon Dieu? *Il a dressé mes mains à la bataille, & a façonné mes doigts à la guerre.* Il m'a donné dexterité & vigueur pour bien combattre, & vn courage inuincible parmi les plus desesperees difficultez. Parmi le danger, i'ay esté sans danger. car il a esté *mon protecteur, ma retraicte, ma defense.* Il a paré les coups qui estoient ia sur ma teste. Et au partir du champ de bataille, duquel ie suis remonté victorieux de mes ennemis, il m'a fortifié de
tout

tout ce qui estoit necessaire pour bastir
 mes affaires: De faueurs, d'aides, de se-
 cours d'hommes, de commoditez, de
 forteresses, d'argent. Ainsi il a esté *ma fa-
 ueur, ma retraicte, mon secours.* Ouy, apres
 m'estre veu Roy sans Royaume, Capi-
 taine sans soldats, sans forteresse, sans ar-
 gent; & si Dieu n'eust esté mon esperan-
 ce, sans esperance: n'y ayant aucune ap-
 arence de ressource en mes affaires, re-
 duites au petit pied contre vn si puissant
 ennemy. Et neantmoins toutes ces tra-
 uerses ont esté applanies, toutes choses
 m'ont succédé & contre mon esperan-
 ce & selon mon souhait. I'ay esté de-
 liuré de toutes mes perplexitez. Et com-
 ment? *I'auois esperé en Dieu.* L'esperance
 qu'auois eu en luy, ne m'a pas confon-
 du. *car il m'a deliuré de mes ennemis.* & par
 consequent il a esté mon Libérateur,
 afin que ie le fusse de mon peuple.

CERTES, mon experience m'a fait

D

739.

cognoistre, que le conseil, le courage, la valeur, le succez de nos armes, de toutes nos affaires, sont de la grace de Dieu. On a beau trauailler & courir; tout ce qui s'entrepren sans Dieu, s'entrepren en vain. En la guerre on a besoin de conseil & de courage, pour l'entreprise; de valeur & de force, pour l'execution. Mais qui donne l'entendement & la resolution aux dangers, & la valeur aux combats, sinon Dieu qui y preside? Ces dexteritez ne sont en l'homme, que par la faueur de celuy qui a fait l'homme. Et somme, le bon-heur de la guerre est de la benediction de Dieu, qui à ceste raison, s'appelle proprement *Le Dieu des armées*: non seulement comme gouuerneur de ce grand nombre de diuerses creatures, distinguees en plusieurs bandes au genre humain; mais à cause qu'il conduit les Armées, & donne le succez aux armes selon qu'il luy plaist.

M A I S mon plus grand ennemy (dit Daud) n'est pas celuy que i'auois à combattre en campagne. Mes entrailles, mes entrailles m'ont le plus trauaillé. Mon pire ennemy a esté en ma maison, en mon sein, de mon sang. Ceste humeur opiniastrément viciuse auoit engendré en mon corps d'horribles conuulsions, des confuses & furieuses rebellions de mes peuples. Et neantmoins tout ce tragique destrac a esté en fin assopi, toutes ces phrenesies populaires de la Ligue d'Absalom se sont euaporees; mon peuple est reuenu à son bon sens, m'a reconnu, m'a obey. Et d'où m'est venu ce bien? Certes de ce mesme Dieu, *Qui a assubiety mon peuple sous moy*. C'est vne belle maxime d'Estat, De prendre les villes par les cœurs; & les cœurs des peuples, par la Raison. Par elle, la victoire sur les subiets est plus honorable & auantageuse que par la force. La force fait bien

souuent roidir les peuples , & les precipite au desespoir , vnique salut des gens perdus. Or le desespoir combien de fois a il fait victorieux vn peuple trop pressé? Les maladies d'esprit ne se guerissent pas à coups d'espee. Il vaut mieux garder vn citoyen, que tuer cinquante ennemis.

M A I S d'où vient ceste prudence & moderation pour bien conduire l'esprit des peuples, que de celuy qui par sa providence fleschit les cœurs des hommes, & tourne où il luy plaist tout vn peuple, comme vn seul homme? C'est luy qui persuade les subiets à l'obeissance de leurs superieurs, par ceste mesme Loy naturelle par laquelle il leur fait honorer pere & mere: cultiuant en leurs ames ceste verité, Que les superioritez sont de Dieu; si qu'on ne peut resister à l'autorité publique, sans resister à Dieu. Et par consequent, qui est le Grand qui

CONSEIL DE DAVID. 27

puisse imaginer avec raison, d'estre bien obey de ses peuples, sans la faueur de Dieu, qui l'a establi en autorité? On opposera la necessité, la force, les occasions, & autres raisons d'Estat. Qui sont certes considerables en leur ordre. Mais qui est l'homme d'Estat qui n'experiméte tous les iours au maniment des affaires, Que toutes entreprinſes ne sont pas prinſes, & qu'il y a bien à dire de l'execution à la deliberation? Et ainsi qu'il n'y a rien plus vain que de se fier en soy-mesme au gouuernement de la Chose-publique: & rien plus solide, qu'en trouaillant attendre les euenemens de la main de Dieu?

Q V A N T à moy (dit Dauid) au maniment de toutes mes affaires, ie sens mon infirmité. De moy ie môte à Dieu, ie parle à Dieu, pour le recognoistre auteur de tout bien. Pour me bien cognoistre il faut que ie le cognoisse. Ie me mes-

cognoy en me mesurant à moy-mesmes, à mes semblables, à mes ennemis, à mes subiets. Mon cœur se perd en mes imaginations, & me perd en mes affaires. Que ie desploye donc mon cœur à celuy qui a fait & cognoit mon cœur: que i'estalle deuant luy toutes mes pensées, afin qu'en sa force ie rende forte mon infirmité.

O SEIGNEUR donc qu'est ce que de l'Homme que tu le daignes recognoistre, & du fils de l'homme que tu l'estimes? Certes l'homme n'est qu'un Rien. Ses iours se passent ainsi comme l'ombre.

*non purpuram splendor ille tibi imponat
 aurum coronam la potentia nos opus
 ex ceteris quod salus quod in secula
 regnat*

Q V O Y? (dit David, SIRE, se tournant vers vous.) Le lustre de nos Couronnes, la grandeur de nos Thrones, la maiesté de nos Sceptres, l'esclat de nos vestemens Royaux, la frayeur de nos gardes, l'appareil de nos banquets; & en som-

me, toute la magnificence de nos Cours, nous ont-ils fait oublier que nous sommes hommes, enfans d'Adam, comme les autres hommes, qui naissons, viuons & mourons comme eux? Certes la douleur de nos meres en nous enfantant, commune à celle des autres femmes, les pleurs que nous iettons en nostre naissance, comme presage de la commune misere de la vie humaine, les espineuses passions de nos esprits, les languissantes & douloureuses maladies auxquelles nous sommes subiets comme les autres hommes: & en fin ceste Mort inexorable, qui ne respecte nullement nos souuerainetez, nous doit bien ramenteuoir que nous sommes hommes, si par fois la vapeur de nos delices nous le fait oublier.

*Stilina omnia eodem regimine, sicut
 - - - - - sicut suorum fimum Coloni. :-*

Q V E s'il nous souuient que nous sommes hommes, quelle exception trouuerons-nous en nos Grãdeurs con-

tre la condition humaine? O Rois! qui bien se cognoit, peu se prise. Si les grâds (dit David) d'eux-mesmes montoient à Dieu, qui les a ordonnez & establis; si se souuenans qu'ils sont subiets à Dieu, s'adiournoient deuant Dieu; si sçachans qu'ils sont mortels, viuoyent comme deuant mourir; combien seroyent-ils diligens à bien viure, & à bien gouerner ce qu'ils ont en main pour en rendre conte à Dieu!

OR pour bien cognoistre quelle est la condition de l'homme, est-il besoin d'entrer en des grands discours? Demandons-le à la Raison. c'est à dire, à Dieu, qui est la vraye raison: *Qu'est-ce que de l'homme, Seigneur?* Il respondra, L'homme est ce que ie le fais estre. Ie l'auois fait pur. il s'est corrompu. Ie l'ay refait, d'autant que ie l'ay veu desfait. Ie l'ay daigné de ma misericorde, par ce que ie l'ay veu miserable. Ie l'ay aymé, auant qu'il me

CONSEIL DE DAVID. 31

me cognuſt. Ma grace donc te ſuffiſe, ô
 homme. Je parleray mon œuvre en ton
 infirmité. C'eſt de ma pure & paternel-
 le grace, que tu es ce que tu es. Les Rois
 meſmes auroyent-ils prins en vain ceſte
 deuiſe, *Par la grace de Dieu ie ſuis ce que ie
 ſuis*, ſans ſe l'appliquer? La Raiſon parle
 ainſi de la vanité de l'homme. Que ſi
 nous en cerchons vn commentaire, l'ex-
 perience dira, Que l'homme n'eſt à rien
 comparable qu'à vn Rien. Dauid parle
 ainſi, parce que voulant définir la miſe-
 rable condition de l'homme, tel qu'il
 eſt maintenant, ne trouuant au monde
 rien moins que Rien, il accompare l'hô-
 me à Rien. Mais ſ'il ſe pouuoit faire que
 l'on peſaſt l'hôme, avec Rien, il aſſeure
 que l'homme eſtant mis d'vn coſté de
 la balance, & Rien de l'autre; Rien ſe
 trouueroit encore plus peſant que l'hô-
 me. Tel qu'il eſt aujourd'huy en ſa natu-
 re corrompue: quoy qu'enyuré de pre-

E

743

somption, il se mire en ses plumes, & se repaïsse de sa vanité. Merueilleux langage! mais si est-ce le langage du saint Esprit. Et mesme afin que ce ne soyent des discours en l'air, pour approprier la medecine au malade, David crie ailleurs: Ne vous fiez point aux Princes, ni aux fils des hommes, auxquels n'y a point de salut. Son esprit partira, & retournera en sa terre: en ce iour-là toutes ses entreprises periront. Toute la plus grande grandeur des hommes, n'est que vanité qu'on adore. O Rois, ô Princes (dit vn grand Roy) nos desseins, nos efforts, nos charongnes feront-elles pas iettees dans vn mesme sepulchre? Ou au tombeau d'oubly, apres vne infinité d'ambitieuſes vire-voutes & fatigues d'eterniser nos noms, ou en la memoire execrable de la posterité; si nous-nous sommes emancipez de nostre deuoir. Et ployant ses bras, & leuant les yeux au

ciel, ils'escrie: Allon donc, allon nous vanter de nos Seigneuries, de nos Grands, de nos Excellences, de nos Alteſſes, de nos Majestez! Imaginons vne Diuinité ſeconde en l'autorité laquelle Dieu nous preſte, commiſe par conte pour la luy rendre par conte; adorons nos pouuoirs empruntez, ſacrifions à noſtre bon-heur, bouchons nos oreilles contre la verité de ces foudres. Et en fin, au bout de nos diſcours, non ſeulement nous trouuerons Rien, qui clorra nos contes, & eſclorra nos vanitez ſur la nullité de nos ridicules imaginations; mais il faudra payer ce que nous deuons à Dieu, qui nous adiourne tous les iours en nos conſciences, par ceſte inuincible & irreprochable Verité. Voulez-vous donques ſçauoir (dit Dauid, parlant aux Grands) l'vſage de ce mien diſcours? Certes me ſouuenant que ie ſuis homme mortel, i'appren à conter mes

iours, de comprendre combien le cours de ma vie est court. En toutes mes affaires ie renonce à la presumption de mon industrie, de ma force, de ma valeur, de mon autorité. Ie recognoy que tous les bons & beaux euenemens que i'ay eü depuis que ie suis au monde, ne sont pas du monde: & par consequent, par ceste eschelle ie me dresse à Dieu. Ces coups du ciel, m'esleuent au ciel. Quand ie pense à moy mesme, comme Dieu m'a conduit, ie suis hors de moy-mesme: si qu'estonné, rauy, transporté de la grandeur de ces admirables & inopinez succez, ie parle ainsi à Dieu:

O SEIGNEUR, baisse tes cieux, descen, touche les montagnes, & elles fumeront. Lance tes esclairs, & tu les dissiperas. Delasche tes flesches, & tu les troubleras. Iette ta main d'enhaut pour me recourir. Retire-moy des eaux, de la main des fils des estrangiers, des-

quels la bouche a parlé vanité ; & leur dextre, est dextre d'iniquité.

O Mon Dieu, ie n'ay point oublié mes peines passées. Il me semble que i'y suis encore. La souuenance de mes difficultez & de tes assistances est deuant mes yeux. Ie parle donc à toy, comme si i'estois encore engagé dans le mal. Les montagnes m'assiègent, les eaux m'engloutissent, ie suis enfoncé dans l'abyfme, plongé dans le borbier. Ces montagnes, ces eaux, ces abyfmes, ces borbiers sont mes ennemis, mes difficultez: dont i'estois enuironné, assiégé, enueloppé ; & en apparence, perdu. Parmi le desespoir de ces extremes dangers, ie me suis conuertit à toy, & t'ay dit, *Baisse tes yeux, & descen, Seigneur.* comme tu fis contre ces Geans qui bastifloyent la tour de Babel. *Touche les montagnes.* Renuerse les desseins de ces grands entrepre-

neurs qui entassent montagne sur montagne, les Alpes sur les Pyrenees, complot sur complot. Qui ont vn moule pour y fondre leurs entreprinſes, sur le ſubiet imaginé de leurs races, de leurs zeles, de leurs valeurs. *Lance tes esclairs, delasche tes fleſches.* Ils ſont deſſous toy, hommes terreſtres; de terre, & ne respirans que la terre. N'es-tu pas au ciel pour les foudroyer & fracasser? Miserables fourmis, qui voulez prendre le Ciel par eſcalade! mais, ô Dieu, *Tu les diſſiperas, tu les troubleras, tu les ruineras.* Oppose, Seigneur, ta force contre la fureur de tes ennemis: ta ſageſſe, contre leurs finneſſes. Ta puiffance, ta ſageſſe ont des moyens incognus aux hommes. Ta Maieſté ſe monſtre au Ciel, qui eſt ton throne; en ces impreſſions celeſtes, auxquelles les plus grands Monarques de la terre ne peuvent reſiſter. Mais elle ne ſe declare pas moins aux iuſtes execu-

tions que tu fais contre les meschans, en faisant auorter leurs malheureux desseins, à leur confusion & ruine. Ainsi tu fais fondre les montagnes, comme la cire; tu seches les eaux, tu taris les abysses. c'est à dire, Tu aneantis les complots de ces orgueilleux.

Ainsi sans parler par figure ou similitude, i'ay dit, *Delivre moy de la main des Estrangers*. De ceste meschante Ligue d'Absalom, qui conçeuë de mon propre sang, engendree dans le cœur de mon Estat, se seruoit des forces estrangeres de mes venimeux & capitaux ennemis, aguetoit ma Teste & ma Couronne, & en me ruinant vouloit enuveloper mon Royaume en mesme ruine. Il n'y a sorte de machine que ces audacieux n'ayent opposé contre moy; Mensonge, artifice, dissimulation, malice, force, violence, opiniastrise. Ayans foulé aux pieds tous les plus sa-

crez droicts des choses humaines , ils ont eu des masques , des pretextes de Religion , d'Etat , du soulagement du Peuple , d'establissement de iustice. Et par ce moyen ils se sont finement glissez dans les cœurs des peuples , aisez à estre enchantez & pipez, ont gagné les grosses Villes, l'autorité, le commandement, la creance, la force , la bource d'Israël. Et par ces artifices ont dressé le moule d'une nouvelle Royauté, & ayans porté le peuple à ce furieux consentement, l'ont fait assembler pour faire vn nouveau Roy.

EN ces extremitez quels moyens auois-ic pour me garantir de leurs entreprinſes? Selon l'apparence ie n'auois que tenir contre eux. l'estois perdu , si ie n'eusse esté perdu. Mais miracle singulier! Le danger en soy ineuitable, a esté euité par moy : d'autant que ne trouuant rien en moy pour mō secours, i'ay

CONSEIL DE DAVID. 39

i'ay eu recours à Dieu, afin qu'il me des-
ueloppast de ces mortels & ruineux fi-
lets, qui m'estoyent tendus par mes fe-
lons ennemis. Ainsi ie luy ay dit, c'est
toy, mon Dieu.

QVI DONNES SALVT AVX
ROIS, & as deliuré David ton seruiteur.
*Du glaive pernicieux deliure moy donc, ô mon
Dieu.*

IL est question de ma personne &
del'Estat. Mon Dieu, tu as preferué ma
teste de maint danger. Garde ceste Cou-
ronne des entreprinſes de ceste desloya-
le Ligue de ce desloyal enfant.

Tu es protecteur des Estats legiti-
mes. Comme tu es auteur de tout or-
dre en la ſocieté du genre humain, &
principal ordinateur de la Loy de l'E-
ſtat en chaſque communauté, ſoit Roy-
aume ou Republique; auſſi tu main-

F

746

tiens en particulier la Royauté, qui est vn rayon de ta puissance en la conduite des hommes, l'Image de l'autorité & puissance paternelle. Tu ne veux pas que les hommes viuent en desordre & confusion, mais qu'il y ait en la communauté humaine vn commandement réglé avec obeissance. Ainsi, comme la Royauté est la premiere & plus naturelle sorte de gouvernement, nee de la Loy de Nature; aussi tu te retiens pour particulier priuilege, d'estre conseruateur des Rois. Tu les ceins & desceins, tu les institues & destitues, tu les poses & deposes. Tous ces changemens se font parmy les Nations, par ta sage prouidence: mais comme quand il te plaist de les autoriser, tu les reuests de quelque rayon de ta Majesté, & leur communicates ton nom: aussi tu prens sur toy à les garantir contre les rebelles entreprinſes de leurs felons & desnatu-

rez subiets.

T v me l'as bien monstré, Seigneur mon Dieu. car en ces miennes si grandes perplexitez, qu'est-ce que i'eusse fait sans toy? En moy il n'y a autre chose que la recognoissance de ma foiblesse, l'hommage du bien qu'il t'a pleu me faire en me deliurant de cestant extremes difficultez. Je te consacre donc mon cœur & ma bouche, par ceste franche & naïve action de graces.

O DIEU, ie te chanteray nouveau cantique, ie te diray pseumes au psalterion de dix cordes, qui as deliuré David ton seruiteur.

O DIEU, les admirables succez de mes affaires, m'esleuent iusques à toy, me font recognoistre ta main miraculeusement secourable en ces miennes perplexitez; me touchét le cœur, m'ouurent la bouche. Apres la frayeur d'un

F ij

797

long & cruel Hyuer, ie voy reluire vn beau Printemps de mes affaires. car ie me voy maintenant estably en mon Throne, autorisé, recognu, aimé, gusté, obeï de tous mes subiets. Mais aurois-ie maintenant oublié les dangers passez? Où est le temps que ie sautois de branche en branche, comme l'oiseau, pensif, triste, desolé; fuyant la fureur de Saül, rodant par les deserts avec vne poignée de gens ramassez: Roy de nom, sans autorité, sans villes, sans moyens; recognu par emprunt, obeï à demi par gens volontaires, lesquels la necessité auoit rangé pres de moy. Apres la mort de Saül, lors qu'il sembloit que la Couronne d'Israël me fust paisible, quelles difficultez m'exercerent durant l'espace de sept ans, confiné en Hebron, ville des moindres de mon Royaume? Pendant qu'Abner sous le nom de Miphiboseth, fils de

Saül , auoit saisi l'Estat , commandant
absoluëment sur Hierusalem & sur tou-
tes les autres villes du Royaume , & se
faisant respecter comme Roy, bien qu'il
ne print que le nom de Lieutenant ge-
neral de la Couronne d'Israël. Lors que
tout estoit apparamment porté à ma
ruine , que ma foiblesse donnast à mes
ennemis toute occasion d'entreprendre
contre moy , & visible esperance de me
surprendre; que ma vie par consequent,
& ma Couronne ne dependoyent que
d'vn filet: quel miracle , que mes deux
plus grands ennemis , sur vn sale & mal-
heureux subiet , se desunissent pour me
reünir , se desmanchent pour m'affer-
mir , se deschirent pour m'establir! Que
celuy qui auoit plus fait contre moy,
fasse plus pour moy , assemble les Estats
d'Israël pour me recognoistre Roy , les-
quels il auoit si souuent faits refoudre à
ma ruine ! Quel miracle ! que sans que

i'y aye rien apporté du mien, ie me foye veu tout à coup deliuré de mes deux capitaux & formidables ennemis, lors que non seulement i'y pensois le moins, mais que ie ne pouuois attendre le pis! O coups du ciel, ô esclairs, ô foudres, ô montaignes renuersees, ô grandes mares sechees, ô abysses applanis! Ce sont tes miracles, Seigneur, ce sont tes propres œuures; œuures ausquelles n'y a rien de l'homme: afin qu'en mon Regne il n'y ait autre chose que le franc & pur hommage de ta grace, sans qu'il y ait rien du mien que l'action de graces. C'est mon cantique, mon pseume, mon luth, mon espinette, ma musique: D'accorder mon cœur, ma bouche, ma vie, en ceste tant légitime recognoissance, avec resoluë deuotion de consacrer toute ma vie à ton seruice.

A I N S I tu m'as deliuré, Seigneur, & avec moy mon Royaume: & en me

CONSEIL DE DAVID. 69 45

deliurant par ta grace, tu l'as d'abundant couronnee de ceste faueur, que tu m'as honoré de ce beau titre DE LIBERATEUR d'Israël. Titre que i'affectoïs de tout mon cœur : & duquel tu m'as excellemment fauorisé lors que ie t'ay serui. car du temps que ie faisois estat de te seruir, bien que i'eusse & Saül & infinies traufferes en teste, tu m'as neantmoins affranchi & de luy & de toutes mes difficultez. Mesme contre toute esperance humaine tu m'as establi en ce throne Royal, m'as fait honorable instrument de la deliurance de ton Eglise, & espandu la bonne odeur de mon nom parmi les nations. Ainsi par effet tu m'as fait pratiquer cest Oracle, *Que seruir à Dieu, est regner.*

M A I S quand ie me suis escoulé en ma prosperité, & oubliant tes graces, ie t'ay oublié, tu as aussi retiré ta main.

Je me suis veu enlassé en beaucoup de grandes difficultez , incommodé de grandes pertes en ma vieillesse. Tu me l'auois aussi denoncé par ton seruiteur Nathan. Je prens donc tous ces exercices de ta main paternelle. Tu me tiens sous la verge, afin que ie ne m'emancipe. Ceste diete m'est necessaire pour me faire souuenir de m'oy peché, pour m'humilier, pour m'amander; afin que ie ne m'enyure de mes delices, ie ne me noye en mes grandeurs. O bonté paternelle, qui en m'affligeant, me preserues de ruine!

M A I S las, mon pauure Royaume sent le principal faix de mes pertes & difficultez. La terre n'est pas perduë, mais gastee, mais rauagee, mais desollee. Le malade n'est pas mort, mais fort debile. La passe maigreur tesmoigne son infirmité. Israël apres la longueur des guerres ciuiles reïterees sous Saül, Abner,

Abner, Absalom, ne peut estre que tres-mal. Quoy plus ? Bien que la Ligue de mes mauuais subiects soit fort esuentee, si n'est-elle pas du tout desracinee. Les mesmes humeurs sont dans les legers & mal-adiuez esprits de ce peuple. Les mesmes ouuriers qui l'ont esmeu; viuent, sont debout, couuent en leurs ames vn mesme leuain, mesme ambition, auarice, malice. Ainsi Seigneur, iacoit que maintenant ie regne en apparece sur ce grand peuple d'Israël, & que tous indifferement obeyssent à mes commandemens; si ne suis-ie pas sans beaucoup de peines. car i'ay à veiller sur les desseins de mes incertains seruiteurs, & à restaurer ce pauvre Royaume tant encore debiffé de sa longue maladie.

OR Seigneur, comme ie n'ay eu iusques icy aucun bien que de ta main: aussi quelle esperance peux-ie auoir que de ta grace ?

G
749

*Delivre moy donc du glaiue pernicieux,
Et me tire de la main des fils estrangers, des-
quels la bouche a parlé vanité; & leur dextre,
est dextre d'iniquité.*

IE redi les mesmes mots. car qui est-ce qui ne void que c'est vne retissure de mesme peine? Je commence par ma Teste, qui a tousiours esté la mire principale des conseils Ligueurs de mes ennemis. Combien y en a-il encore qui bastissent leurs desseins dessus mon sepulchre; qui tiennent leurs entreprinſes en leſſe, attendans ma mort, laquelle ils aguettent à toutes occasions? Mais c'est à toy, Seigneur, de parer ce coup, comme tu as fait iusques icy. Comme quand Saül me porta le traict à deux doigts de ma teste, & qu'il m'auoit prins comme l'oiseau au nid. Ce que tu gardes est bien gardé. Comme donc tu as fait iusques icy, ô mon Dieu, mon liberateur, mon

protecteur, feras-tu pas à l'aduenir? Tu
 reboucheras leurs glaiues, tu feras auor-
 ter leurs desseins, tu conserueras ma per-
 sonne, pour conseruer mon Royaume.
 Ils me font bonne bouche, mais pour
 me piper. Et de mesme, *Leur dextre,*
est dextre d'iniquité. Quand ils flattent, ils
 frappent. Ils portent la main à la bouche
 pour assener le coup à leur aduantage.
 Ce sont leurs trames accoustumees. Le
 mal est tousiours mal; l'estranger, estran-
 ger. S'ils imaginent de remuer vn mes-
 me mesnage, tu es celuy qui les peux ar-
 rester. Seba fils de Bocri cuida renouuel-
 ler ces iours passez vne cruelle sedition
 contre moy, pour me faire rompre mon
 nauire dans le haure mesme. Mais tu
 l'as reprimé. Tu racleras aussi le residu
 de ceste engeance de viperes; tu arra-
 cheras les racines de ceste mal-heureuse
 Ligue: afin que mon Royaume en
 estant entierement deliuré, & mon

obeyffance absoluëment establie parmi tous mes subiects ; ie bande tout mon esprit à restaurer ce pauvre Estat que tu m'as mis en main , pour en estre le Pasteur & conducteur. Mais Seigneur, que peux-ie maintenant faire non plus que par cy deuant , que de ta grace , faueur, assistance?

AINSI David a monstré iusques icy en ce Pseaume , comment Dieu a donné le glorieux nom de *Liberateur d'Israël*. En ce qui reste de ce beau discours il montre , comment il a acquis celuy de *RESTAURATEUR* ; en remettant son Royaume en son ancienne dignité & splendeur.

VOSTRE MAIESTE' SIRE, iugera quel fruct elle peut recueillir d'un si net & iudicieux discours ; & autant qu'elle desire de restaurer son Royaume, elle considerera sa suite ; & par elle,

le vray & salutaire cōseil que luy en donne ce grand Roy & Prophete Dauid, en ce qui s'ensuit.

ADVIS DE DAVID
TOUCHANT LA RESTAURATION
DE L'ESTAT.

LEURS fils soyent comme nouvelles plantes en leur ieunesse. Leurs filles doüees de beauté, soient aussi enrichies d'honneur; comme les colomnes du Temple. Leurs greniers soyent pleins, & regorgent de l'un à l'autre. Leurs brebis soyent fertiles, & abondent en nouveau croist. Leurs vaches soyent grasses. Qu'il n'y ait point de bresche en leurs murailles, point de danger par les champs, point de cry & frayeur par les ruës. Fls ont dit, Le peuple est bien-heureux, auquel il est ainsi.

VOILA le souhait que fait Dauid,

G iii

750

touchant la restauration de son Royau-
me d'Israël. En souhaitant, il enseigne le
moyen de restaurer le sien & le vostre,
SIRE. & parlant de foy, il parle ainsi
à vous.

C'EST vne Maxime engraece aux
cœurs de tous hommes, D'estre bien-
heureux. Noz peuples le souhaitent, &
nous aussi. car quel est le Roy qui sou-
haite de regner sur des gens miserables?
Mon Royaume a si souuent senty les
griffes de ceste furieuse beste inciuile,
qu'il auoit besoin d'estre comme renou-
uellé. Et vostre France a-elle senty moins
de mal? Comme donc c'est le principal
but de tous mes desseins, que de rendre
mes peuples bien-heureux souz mon
auctorité; aussi ie voy que c'est le vostre.
Et en le protestant, vous en donnez vne
belle preuue, Quand ayant fait assem-
bler les plus signalez de vostre Royau-

me , pour entendre leurs aduis sur les moyens de le restaurer, vous leur auez franchement promis d'acquiescer à leurs conseils . Pourrois - ie pas aussi auoir le credit de vous en dire le mien? L'issuë de mon Regne vous doit estre vne fort solide preuue de la syncerité de mon Aduis. Escoutez-le donc en mesme deuotion comme ie le vous represente en verité & iugement rassis.

QVI est-ce qui rend vn peuple malheureux? La Guerre. Nous l'auons ainsi experimēté par nostre propre sentiment & vous & moy en noz Estats. Qui le peut donc rendre bien-heureux que la Paix? C'est donc l'aduis que ie vous donne, lequel i'ay prins pour moy, comme le seul moyen de restaurer vostre Royaume desolé, & rendre vostre Regne bien-heureux avec vostre Peuple, D'y establir vne bonne & ferme Paix. De fait, considerons les effets de la Guerre & de la Paix,

par ceste commune leçon de l'Experien-
ce, qui est la maistresse des fols.

Qu'est-ce donc qu'elle nous enseigne
touchant la guerre ? Que la guerre est
vn sommaire de tous maux, le fleau du
genre humain; comme estant la ruine des
biens, des corps, des ames. Les personnes
sont pour les biens; & entre les plus pre-
cieuses, sont noz enfans. Gages de noz
plus tendres affections, prouins ausquels
nous renaïssons, sacrez deposts de socie-
té, d'amitié, de contentement, les plus
vifs ressorts de Nature. Mais las! que de-
uiennent par la guerre & noz fils & noz
filles? Je parle de ceste guerre qui trouble
l'Estat, & qui n'est pas employee pour re-
pousser l'ennemy, qui nous veut trou-
bler. Y a-il point quelque fille ou violee
par la fureur de ceste Enragee, ou cor-
rompuë par les sales & infames licences
de ceste effrontee macquerelle ? Mais
quant aux fils, combien s'en perd-il par
ces

ces guerres, ou par l'espee, ou par la calamité commune, ou par le debordement des mœurs! Ceste sorte de guerre inciuile, est la ruine des ames. c'est à dire, ennemie de la vertu, de la science, de l'industrie. Pepiniere de tout mal, amorce de violence, outil de brigandage, de meurtre, de degast, de frayeur; deluge d'impieté & d'iniquité. C'est elle qui fait que l'homme est loup à l'homme, & par vne farouche & cruelle barbarie, bāde l'homme à l'encontre de l'homme, destraque tout l'ordre de la communauté des hommes, renuerse tout ce qui nourrit & fait viure l'homme. C'est elle qui desole les champs, qui ruine les Villes, qui rait le bestail, qui pousse le soldat a brigandé contre la brebis & la vache; & qui est plus, contre le pauvre laboureur, contre la foiblesse de la vesue & de l'orphelin. Trop commun suiect des Rodomonts de noz guerres inciuiles. Par la guerre

H

752

donc le labourage est abandonné, les terres sont en friche, les greniers sans bled, les bources sans argent. Les terres plaines de chardons, les Villes plaines de frayeur. Les plus larges chemins sont trop estroits pour le marchand, contre lequel le brigandage est legitime par la licence de ces furieuses armes, qui appellé bien prins ce qui est ravi par la force. En somme, par la guerre tout va pesse-messe, tout ç'en dessus-dessous, tout est bouluersé, tout perdu. Et quel autre commentaire en demandons-nous que la veritable experience?

M A I S les effets de la Paix sont du tout contraires. Par la Paix les familles sont maintenues, affermies, enrichies, prouignées. Les enfans sont eleuez en honneur, instruits en pieté, en bōnes mœurs, en industrie. Les fils aux lettres, aux sages armes, aux honnestes trafiques. Les filles sous l'œil de leurs meres, à la chaste-

té, à la modestie, au ménage. Les champs sont cultivez, les Villes frequentees. Les greniers se remplissent de bled, les bourses d'argent, les champs de gayeté, les Villes de repos. Les chemins sont assurez, frequentez, dorez. On trouue l'or & l'argent par les ruës, tout regorge en biës par la Paix, les riuieres coulent en lait & en miel.

Qu'est-ce donc qu'on peut conclure de la Paix avec raison ? *Que le peuple est bien-heureux auquel il est ainsi.* Ce sont les vœux, ce sont les voix du bon Peuple. La voix du Peuple, est la voix de Dieu. La Verité parle clairement par ces effets. En somme, la PAIX, est le Rendez-vous de tout bon-heur : comme la guerre, de tout mal-heur.

QVOY donques ? dit Dauid, parlant à vous, SIRE, vous me demandez mon aduis pour restablir vostre Royaume visiblement desolé par la longueur &

cruauté de la guerre ciuile? Establissez-y
 la Paix. Tout vostre soing, tous voz des-
 feins, voz efforts, voz effets tendent à la
 Paix. Que le suiet, la fin, le but, la mire de
 voz conseils, de voz actions soyent pour
 affermir vne bonne paix en vostre Roy-
 aume. C'est le vray & solide moyen de
 vous acquerir le beau nom de RESTAV-
 RATEUR de vostre Estat. I'en ay fait ainsi:
 si que laissant à mon fils mon Royaume
 d'Israël florissant, i'ay voulu laisser en son
 nom vn memorial de la Paix, & y mar-
 quer son efficace & vertu, l'appellant
 SALOMON. c'est à dire, pacifique. O donc
 que c'est chose bonne & belle que voz
 subiets, nez, nourris, eleuez au sein de
 mesme Patrie, en la reuerence & obeyf-
 sance de mesmes loix, habitent vnis de
 cœurs comme de corps; ouy tous EN-
 SEMBLE! Non diuisez de condition, non
 plus que de nation, de traictement non
 plus que de sentiment d'vn mesme air.

CONSEIL DE DAVID. 70

Si car comme la Paix est le fondement de la restauration que vous cherchez en vostre Estat: aussi l'equité, l'ordre, la moderation est le plan & dessein de ceste fructueuse Paix. Que l'experience nous instruisse au comportement de noz subiets (dit David) apres vne guerre ciuile, qui doit apporter vn general oubli de toutes offenses passees: *Il n'y a point de paix, qui destruisse vne partie pour establir l'autre.* Elle ne seroit pas paix, mais faix à l'interessé, par vn inegal traictement. Il faut oster les partis, & conseruer toutes les parties du corps en l'Estat. Toutes les parties ioinctes, font le Tout: les partis, le desfõt. Le Tout vni au consentement d'vn peuple fidele souz l'obeyffance d'vn mesme Roy, conserue le corps de l'Estat: des-vni & diuisé, le perd. Certes tout Royaume diuisé, sera desolé. Il faut doncques que tous les subiets habitent ensemble, maintenez & traictez egalement par le Roy,

H iij

754

62. **CONSEIL DE DAVID.**

qui est le pere commun de tous les sub-
iets. L'amitié du pere enuers tous les en-
fans, est despartie à tous sans des-vnion,
elargie à tous sans confusion: comme les
rayons du Soleil, qui est tout en tout ce
qu'il esclaire, eschauffe, assaisonne. Ceste
balance egale, autorise l'obeyssance en-
uers tous ceux qui se sentent egale-
ment traictez par la proportion d'vne mesme
amitié du Superieur: & dissipe toutes les
phrenesies d'État à l'endroit de ceux qui
s'eleuent pour se sentir aduantagez. Voila
le conseil de Dauid.

SIRE, combien deuons-nous esperer
de vostre Regne, si vous suyuez la trace
de ce sage & salutaire aduis! Certes nous
sommes eleuez à ceste esperance, par l'af-
fection si viuement imprimée en vostre
ame, D'establiir la Paix en vostre Royau-
me, & d'y traicter egale-ment tous voz
sujets; comme ceux qui d'vne commune

fidelité ont vnanimement serui VOSTRE MAIESTE', pour garder sa teste & sa couronne. Ceste impression est vn certain mouuement du Ciel, descendant de ce Pere des lumieres, qui est aussi le Dieu de paix & de concorde. O que tous voz subiets seront bien conseillez de suiure vostre exemple: pour s'entr'aimer les vns les autres, à qui mieux-mieux, n'ayants autre but, que de se combattre & se vaincre par toutes sortes d'honnestes & vtiles offices de ferme & fidele amitié! Pour faire paroistre qui sera le meilleur François, en faisant plus de seruice à VOSTRE MAIESTE', & à la France. Ce seroit bien pratiquer la maxime de Dauid, *Habiter ensemble comme freres*. Comme de fait la raison crie aux oreilles de tous: N'estes-vous pas tous François, tous patriotes, tous subiets d'vn mesme Roy, tous ses enfans? Vn Roy, vne Loy d'Etat, vne Patrie, vne terre, vn air, vne naissance, vn

interest commun & de bien & de mal, de paix & de guerre; n'auront pas assez de poids pour rendre la balance egale? O François, la Nature, l'equité, le sentiment de tant de maux endurez volontairement par l'aveugle preiugé de noz passions, la Necessité; & en somme, le consentement de ce sage peuple qui crie, *Le peuple est bien-heureux qui a la paix*, ne nous pourrout-ils pas en fin persuader d'embrasser, de sauouer, de maintenir constamment ceste Paix, de nous appriuoiser, de nous aimer, de nous porter comme freres; pour noyer la triste souuenance des Regnes passez, dans la paisible douceur de ce Regne? Voila le fruiçt de l'aduis de David; lequel les sages François approuuent, souhaitent, recherchent, comme le seul & seur remede de la restauration de la France. & crient ce qu'ils croyent, *Le peuple est bien-heureux auquel il est ainsi.*

C E S O N T bien les premières estrennes, SIRE, lesquelles David vous apporte pour vous acheminer en la possession de vostre desir : mais ce n'est pas encore tout ce qu'il vous veut donner. Oyez d'óc ce qu'il adiouste pour closture & principal fruiçt de ce beau & excellēt Discours.

MAIS BIEN-HEVREUX EST LE PEUPLE DVQUEL L'ETERNEL EST LE DIEU.

C E premier mot, *Mais*, monstre euidément que c'est la distinction d'un nouveau propos. comme de fait, David vous auifageant, SIRE, pour marquer un propos de tres grande importance pour le repos & bon-heur de vostre Estat, parle ainsi à vous.

L'ABONDANCE d'enfans, de richesses, de Paix; de commoditez en bleds, en bestail, en trafique, aux champs, & à la

ville, est commune aux peuples profanes : lesquels neantmoins nous ne pouons ny deuons estimer bien-heureux, pour n'estre illuminez de la vraye cognoissance de Dieu, en laquelle seule gist la vraye felicité. Mais vous & moy auons vn priuilege particulier par dessus les Rois de ces aueugles Nations : Que noz Royaumes sont logis de l'Eglise de Dieu, qui est vne, sainte, Catholique, la communion des Saints, la maison de Dieu viuant, la colonne & appuy de verité. De l'Eglise, espouse de Iesus Christ, mere de ceux desquels Dieu est le pere. De l'Eglise, en laquelle seule y a salut. De l'Eglise, à laquelle vne bien autre Paix que la commune, est ordonnee par le vray Prince de paix : qui ayāt fait la paix entre Dieu & les hommes, a dit en termes exprés à ceste sienne Eglise : *Je vous laisse paix, ie vous donne ma paix : Et ne la vous donne pas comme le monde vous la donne.* De laquelle

CONSEIL DE DAVID ⁷⁰⁶

paix comme il nous donne la solide cognoissance en sa verité, aussi il veut que nous la distinguions de la paix du monde, laquelle la sage Antiquité a dit estre pire que la plus cruelle guerre; puis qu'elle nous separe de Dieu & de nostre salut.

QVOY DONC? Certes David pouffé de l'Esprit de ce vray Messias, qui donne sa paix aux hommes de bonne volonté, nous marque ceste vraye paix, pour la distinguer de la fausse. & crie, *Mais le peuple est bienheureux duquel l'Eternel est le Dieu.* Et qui est ce Peuple tāt favorisé, qui puisse prendre cest auguste & venerable titre? Certes l'ETERNEL, est le vray Dieu. Nom propre pour représenter la cōnoissance d'iceluy, & ioyau peculier de l'Eglise. Mais comme la vraye & particuliere marque de ce Peuple bien-heureux, est, De cognoistre, honorer & servir ce vray Dieu; aussi Dieu s'est manifesté à son Eglise en son fils nostre Seigneur Iesus.

Ce Fils, est l'Agneau occis dès la fondation du monde, qui est hier & aujour-d'huy le mesme eternellement. L'Agneau sans macule, qui seul oste les pechez des hommes. La semence benite de la femme qui a brisé la teste du serpent roux. Ce Messias duquel Abraham a veu le iour, & s'en est resiouy. Lequel David a souhaité, marqué, représenté. Auquel tous les Prophetes ont visé, comme au souverain but de leur doctrine. En somme c'est la fin de la Loy, le fondement de l'Eglise; outre lequel il n'est loisible d'en mettre vn autre. Ainsi l'Eglise est ce peuple auquel l'Eternel a dit anciennement : *Je suis ton Dieu & de ta semence apres toy.* & le Fils, *I'ay manifesté ton nom aux hommes lesquels tu m'as donné du monde. Ils estoient tiens, & tu me les as donnez, & ont gardé ma parole.* Certes, comme en luy sont tous les thresors de sapience & intelligence, aussi il les desploye à son Eglise par sa Parole; com-

me il dit: *Ie leur ay dōné la parole que tu m'as
 donnee, & ils l'ont receuë. & ont vrayement
 cogneu que ie suis issu de toy, & ont creu que
 tu m'as enuoyé. Sanctifie-les par ta verité. Ta
 parole est verité. Et luy mesme crie, Recher-
 chez les Escritures, car ce sont elles qui rendent
 tesmoignage de moy, & par icelles vous croyez
 auoir salut. Et d'où donc? car Seigneur, à
 qui irions nous? Tu as les paroles de vie
 eternelle, disoit ce grand Apostre. & nous
 croyons que tu és le fils de Dieu viuant.
 Ce peuple bien-heureux apprend com-
 ment Dieu est son Dieu; d'autāt que Dieu
 a tant aimé le monde, qu'il luy a donné
 son Fils avec tous ses biēs; Né pour nous,
 mort pour nos pechez, resuscité pour no-
 stre iustification. Pour nous donner la vie
 eternelle, qu'il a acquise pour nous, & à
 laquelle il nous achemine par ceste créa-
 ce cōmune, enregistree aux saincts Sym-
 boles de l'Eglise Catholique, qui est ce
 Peuple bien-heureux duquel Dieu est le*

Dieu : puis qu'il cognoit, recognoit, a-
uouë, honnore ce seul vray Dieu en vn
seul Iesus Christ. De fait, y a-il Chrestien
qui n'embrasse ceste verité, qui ne soit
prest de la sceller par son propre sang?
Christ est-il diuisé? Paul a-il esté crucifié
pour vous? ou auez vous esté baptisez au
nom de Paul? disoit S. Paul de soy mes-
me. Et rançant les Galates, *O mal aduisez,*
dit-il, *qui vous a enforcelez pour n'obeyr à la*
verité, deuant les yeux desquels Iesus Christ
a esté par cy deuant crucifié en vous? & Ia n'ad-
uienne que ie me glorifie sinon en la croix de
nostre Seigneur Iesus.

Miserables donc que nous sommes, &
trois fois miserables, (non seulement plus
fols que les Galates, noz ancestres, mais
outrément furieux, desesperément enra-
gez) qui apres tant de pertes, tant de mal-
heurs, tant de tragiques ruines; nous ne
voyons pas ce que nous voyons. Nous
roidissans pour neant non seulement pour

CONSEIL DE DAVID. 707

debate, mais pour combatre de ce dont nous nous accordons. L'experience nous a fait cognoistre combien vaut l'aulne de ces volontaires dissensions, nees sur ce preiugé de la Religion, fomentees par noz insensez caprices, augmentees par noz aueugles animositez. Sera il donc iamais temps de deuenir sages à noz propres despens? Si David declare avec raison, Que le peuple est bien-heureux, duquel Dieu est le Dieu; par mesme necessité, ne prononce il pas, Que le peuple est mal-heureux qui a d'autres Dieux que ce vray Dieu? car quel accord peut-on imaginer entre ceux qui ont diuerses ou contraires impressions de Dieu & de leur Sauueur?

Or quant à nous (bien que la dissension nous fasse voir autrement pour ceste heure) si est-ce que la Verité nous montrera en fin, Qu'il n'y a aucune raison de blasmer la lumiere, si noz yeux sont chasteux; & la verité, si noz entendemens

font tenebreux. Je proteste avec l'Apostre;
*Nous reiettons les cachettes de honte, ne che-
minans point avec ruse, & ne faüssans point la
parole de Dieu, mais nous approuuans à toute
conscience des hommes deuant Dieu par la ma-
nifestation de la verité. & avec noz saincts
Peres, Mesler la verité avec la vanité, est vn
execrable adultere.* Et qui est celuy ausi qui
vueille estre trompé à son escient, & mes-
mes en ce qui concerne son salut? Mais ie
crie aux aureilles de ma desolee Patrie;
*Nous n'auons que le mal que nous voulons
auoir.* Nous cerchons loin, ce que nous
auons prés. Veux tu estre sauué, ô Chre-
stien? Et moy ausi. Par Iesus Christ? Et
moy ausi. N'ois-tu pas sa voix, ne crois-
tu pas en sa Parole? Et moy ausi. Quoy
plus? N'auouës-tu pas ce principe com-
me le vray fondement de l'Eglise, de ce
peuple bien heureux duquel l'Eternel est
le Dieu? VN DIEV, VNE VERITE,
VNE FOY, VNE EGLISE, VN BA-
PTESME.

PTESME. Et moy aussi. Le Baptesme que i'ay commun avec toy, ratifie, seele, autorise vne mesme creãce; en mon cœur, en ma bouche, en mô front. Allons donc ô François, allons avec noz préiugez, nous hair, nous tourmenter, nous persecuter les vns les autres; côme ayans deux dieux, deux redẽpteurs, deux Eglises, deux Baptesmes: & oubliõs les chastimens passez, qui n'ont autre plus veritable cause, que nostre desraisonnable impatience, ignorance, opiniastrise.

CE n'est pas mon intention d'entrer maintenant en vn tant ample & important discours, qui merite le soyn & le loisir de plusieurs iours. Mais l'extreme regret que ie porte en mon ame, de voir la calamité de ma miserable Patrie, nee de ces dissensions; tire ceste plainte de mon cœur. Pardonnable au zele que i'ay à la verité, à la concorde de l'Eglise, à la paix du Royaume. Fruictz que ie souhaite

K

760

avec tous les gens de bien. Ayans ensemble ce commun desir, pourquoy estimerions nous avec raison, Que non seulement ceste concorde est impossible, mais que c'est ou vanité ou crime de la rechercher? P'ay leu avec contentemēt ces mots en la remonstrance faite ces iours passez à Messieurs de ceste tant notable Assemblée: *Que les differens de la Religion ne peuvent estre composez par la guerre ni par disputes: mais par la Parole de Dieu, la prenant pour regle & conduite de toutes nos actions & deliberations.* O voix digne d'estre releuee! & mesme puis que ceste Parole est si bien recognuë par son Registre, que nous ne sommes plus en different quelle elle est: attendu que nous lisons en ceste mesme remonstrance, *Que ceste Parole de Dieu, est l'Escriture diuinement inspiree. Laquelle Escriture crie: Interrogez des anciens sentiers quelle est la bonne voye, & cheminez en icelle. &, Que la vraye doctrine n'est*

pas de reuelatiõ particuliere. Si nous croyõs donc tous que ceste seule Religion est veritable & salutaire, qui est ancienne & Catholique; pourquoy ne la recherchons-nous par vn chemin qu'on la puisse solidement trouuer? Que si nous la trouuons, & que la concorde soit en la verité; fera-il pas lors raisonnable d'obeir à la remonstrance du S. Apostre? *Marchons de mesme regle en ce à quoy nous sommes paruenus. & de l'Eglise? Cessons de debatre de ce dont nous sommés d'accord. &, La dispute d'une chose certaine, est de fraisonable.* Que si nous nous trouuons entierement d'accord de la science fondamentale de nostre salut, auons nous occasion de rechercher quelque nouvelle science, pour estre mieux que d'estre sauuez? Certes, comme la verité se trouue en la cerchant, aussi elle se perd en la debatât. Iusques ici pour la plus part nous auons disputé, pour disputer; & l'examen de la verité s'est con-

uertie en fatyre & inuectiue. Si en ceste recherche nous auons la verité pour but; & par la verité, la concorde en la verité: combien feroit-il meilleur de recueillir par les communs principes de la verité Chrestienne, tout ce qui peut estre solidement d'accord en icelle verité, en la commune creance de tous Chrestiens tousiours & par tout? Mais quoy qu'on se roidisse de part & d'autre, si est-il vray, & apperra tres-vray par toutes preuues, Que comme le nom de Chrestien nous est commun, aussi est le Baptesme commun; estant le seau de ceste Verité commune, vrayemēt ancienne & Catholique: CESTE EST LA VIE ETERNELLE, de te cognoistre seul vray Dieu, & celuy que tu as enuoyé, Iesus Christ. Si quelqu'un ne se contente d'estre sauué, qu'il en dispute. Au moins ce Peuple bien-heureux, duquel l'Eternel est le Dieu, retient ceste Maxime d'une commune & non dispu-

table creance , d'un commun consente-
ment, comme le vray & seul chemin de la
felicité. & la Verité crie à tous, Que c'est
le vray moyen d'establir vne solide con-
corde en la Chrestienté.

SI DONC il est loisible de la souhai-
ter, pour eschanger nos miserables dissen-
sions à vne bien-heureuse concorde; que
ce mien vœu, SIRE, me soit permis,
Qu'elle aduienne souz vostre florissant
Regne; & que Vostre Maiesté trouue
bon que ie luy apporte les premices de ce
mien ardant desir en la naissance de ce
nouuel an. Les Regnes passez ont esté
remplis de combustion, de trouble, de
frayeur; enaigris de toutes impetueuses
recerches, par feux, par sang, par sac, par
armes, par disputes. Et tout cela dequoy
a-il seruy? Que si vostre Regne auoit ce
bon-heur de ioindre à la Paix de l'Estat, la
concorde de l'Eglise; ô excellent moyen
de vous acquerir le triomphant tiltre de

RESTAVRATEUR! C'est voirement vn sujet
 vrayement Royal, digne de vostre zele,
 de vostre vertu, de vostre autorité. Mais
 certes c'est entierement l'œuvre de Dieu.
 C'est donc à luy auquel il nous faut auoir
 recours; & croire neantmoins, Que com-
 me rien ne luy est impossible, aussi rien
 ne doit estre tenu pour non-impetrable
 de sa sainte Maiesté; qui soit à sa gloire,
 à l'aduancement de sa verité, bien de son
 Eglise; & pour l'amour d'elle, de vostre
 Royaume.

*Vostre tres-humble, tres-fidele &
 tres-obeyssant subiet & seruiteur,*

I A N D E S E R R E S .


211

SEIGNEUR,

TV NOVS ESTABLIRAS LA PAIX.
car c'est toy qui fais toutes
noz affaires.

ESAIE XXVI.

763



Vœu par la prospérité du Roy
et du Royaume. - 1597.

Le plus rare des ouvrages de Jean de
Serres, fécond écrivain et historien du
16^o siècle. - son plus célèbre ouvrage est
Recherches de choses mémorables advenues
en France. ... etc. (1595 - entre en 1599) -
ou encore - Inventaire général de
l'histoire de France. 1600 - et 1613-14. -

- Jean de Serres a aussi publié -
Mémoires de la 3^o guerre civile. - sans
nom d'auteur ni de lieu. (Genève). 1571. -
j'en ai un très intéressant exemplaire,
provenant de M. P. Buisson. - 6 livres a été
une des principales sources où a puisé
le Duc d'Anjou pour son histoire des
Cand. (3^o guerre. - guerre macabre).

Le vœu par la prospérité du Roy a
peu d'intérêt au point de vue historique,
mais il sert à bien faire connaître son
auteur et témoigne de ses sentiments et
habitudes et chrétiens. - Il faut
caractériser à son sujet la Bibl. Du Vère
Lelong. (N^o 950 de mon o. V.), il y a
quelques curieux détails qui me paraissent
assez hasardés. - Parmi tous les ouvrages
cités, celui-ci n'y figure point - je ne l'ai

on sur aucun catalogue, je suis sûr
qu'on a la craie très rare. - sous le
paysage de Senaries, je a 202. a publié
plusieurs ouvrages en latin, notamment
un traité par l'accordement des Jours
religieux. (aussi fort rare). La été bastant
à niornes. -

